


STJÓRN MÁL

RÆÐUR OG RITGERÐIR



ÚTGEFANDI: »HEIMDALLUR«
FÉLAG UNGRA SJÁLFSTÆÐISMANNA Í REYKJAVÍK

Grundvallar-stefnuskrá Heimdallar.

Samþykkt á félagsfundi 1931.

Á félagsfundi Heimdallar, 13. febrúar 1931, var samþykkt sjálfstæð og sérstök stefnuskrá fyrir félagið, þar sem talin eru í 21 lið þau helztu mál, sem félagið vill beita sér fyrir.

Þessi stefnuskrá Heimdallar er að verulegu leyti enn í fullu gildi, og felur í sér meginkjarna þeirra baráttumála, sem félagið beitir sér fyrir. Hún er sérstæð vegna þess, að ekkert annað stjórn mála-félag ungra manna hafði á hliðstæðan hátt markað sér sjálfstæða stefnuskrá.

Á þeim 10 árum, sem liðin eru, síðan grundvallar-stefnuskráin var sett, hafa ýms atriði hennar náð fram að ganga. Jafnframt er þess að gæta, að á þessum tíma hafa skapast ný viðhorf, sem félagið hefir tekið afstöðu til á hverjum tíma. En stefnuskráin frá 1931 felur í sér grundvallaratriðin, sem fyrst og fremst hafa mótað félagsstarfið. Verður hún því birt hér orðrött og óbreytt:

Markmið félagsins er að berjast fyrir þjóðlegri

og víðsýnni framfarastefnu í landsmálum, til hagsbóta allra þegna þjóðfélagsins.

Grundvöllur stefnu þess er fullkomið frelsi þjóðar og einstaklings, séreign og jafn réttur allra þjóðfélagsborgara.

Einkum vill félagið beita sér fyrir því:

1. að sambandinu við Dani verði slitið svo fljótt sem unnt er, og að Ísland taki öll sín mál í eigin hendur,
2. að Ísland verði gjört að lýðveldi þegar að sambandsslitum fengnum,
3. að efla og vernda þingræði og þjóðræði,
4. að kjördæmaskipunin verði færð í það horf, að atkvæði allra kjósenda geti orðið jafn-áhrifarík á landsmál, hvar sem þeir búa á landinu,
5. að kosningarréttur til Alþingis verði bundinn við 21 árs lágmarksaldur og að þeginn sveitarstýrkur valdi eigi missi kosningarréttar,
6. að komið verði á viðlækari og hagkvæmari tryggingarlöggjöf, einkum slysatrygginga, sjúkratrygginga og ellitrygginga,
7. að yfirráð atvinnufyrirtækja í landinu verði í höndum íslenskra ríkisborgara,
8. að unnið verði að auknum skilningi og samúð milli verkamanna og vinnuveitenda, meðal annars með því, að verkamenn fái hlutdeild í arði þeirra fyrirtækja, sem þeir vinna við, þar sem því verður við komið,
9. að landbúnaðinum verði sem fyrst komið í nýtzkuhorf, öruggs markaðs aflað fyrir afurð-

irnar, og að rafmagni verði veitt um öll hér-
uð landsins til lýsingar, hitunar og iðju, og bændum séð fyrir ódýrum rekstrarlánnum,

10. að sjávarafurðum verði aflað nýrra markaða, þær verkaðar eftir kröfum nútímans, og bætt verði úr rekstrarfjárförf smábátaúrtvegarins,
11. að stýðja og efla innlendan iðnað og iðju, meðal annars með því að afla til þess hagkvæmra lána,
12. að ungir menn verði styrktir til náms erlendis í helztu nýjungum á sviði atvinnuveganna, og að stofnuð verði, svo fljótt sem unnt er, deild í íslenskum atvinnufræðum við Háskólann,
13. að frjáls samkeppni ráði í verzlun og viðskiptum, enda sé eftirlit haft með starfsemi umboðsmanna erlendra fyrirtækja,
14. að bæta og samræma samgöngur á landi, sjó og í lofti, eftir fyllstu kröfum nútímans,
15. að réttarfarslöggjöfin verði endurskoðuð, og æðsti dómstóll þjóðarinnar eflaður og treystur af ríkisvaldinu,
16. að skipaður verði opinber ákærandi,
17. að mikil áherzla verði lögð á greiðslu ríkisskuldanna,
18. að nokkur hluti af tekjum góðæra verði lagður til viðlagasjóðs, er síðan verði varið til að bæta afkomu erfiðu árána, og fjárveitingarvaldið verði raunverulega hjá Alþingi, en ekki ríkisstjórn,
19. að skólamálanum verði komið í fast kerfi, og að rík áherzla verði lögð á haldgóða þekk-

ingu, einkum í þjóðlegum og hagnýtum fræðum,

20. *að heilbrigðislöggjöfin verði endurbætt og heilbrigðisráð stofnað, er hafi estirlit með öllum heilbrigðismálum í landinu,*
21. *að uppeldismálin verði tekin til rækilegrar rannsóknar, og að leitast verði við að þroska einstaklingseðli og sjálfstæða hugsun barna og unglunga og glæða ættjarðarást þeirra.*